

1029

La Benevolencija br. 2
71 000 Sarajevo
Bosna i Hercegovina
Tel/Fax: 033 213-697
GSM: 061 240-976
nezirica@bih.net.ba
www.advokat-nezirić.com



ID: 4327632190003
PDV: 327632190003
Transakcijski račun
VAKUFСКА BANKA d.d.
1601110000023396

BOSNA I HERCEGOVINA
FEDERACIJE BOSNE I HERCEGOVINE

3.2.2021	
Redni broj	Broj priloga
05-02-35-9	2021

**Generalni sekretarijat Vlade
Federacije Bosne i Hercegovine
Ul. Hamdije Čemerlića br. 2
71 000 Sarajevo
Veza br. 05-02-35-9-1/2021-1**

Predmet: Zahtjev za izmjenom i dopunom, odnosno pojašnjenjem Poziva za dostavu ponuda za javnu nabavku – pravna odbrana Vlade Federacije Bosne i Hercegovine u slučaju radnopravnih sporova (Usluge iz Aneksa II dio B. Zakona o javnim nabavkama) od 02.02.2021. godine

Poštovani,

Kao zainteresirani ponuđač Advokatski ured Sanel Nezirić u postupku javne nabavke usluga – pravna odbrana u slučaju radnopravnih sporova (Usluge iz Aneksa II dio B. Zakona o javnim nabavkama), Ugovornog organa: Vlada Federacije Bosne i Hercegovine, molimo da pojasnite, odnosno izmijenite i dopunite predmetnu Tendersku dokumentaciju u sljedećim dijelovima:

I

U Tenderskoj dokumentaciji niti u jednom dijelu niste propisali niti odredili kriterije prema kojima će Ugovorni organ vršiti ocjenu pristiglih ponuda.

Naime, pod tačkom 7. Tenderske dokumentacije u okviru kriterija za izbor ponude propisali ste sljedeće:

„Ugovorni organ će izbor između kvalifikovanih ponuđača, vršiti na osnovu svojih potreba, za konkretnu uslugu, cijeneći specifičnost i kompleksnost samog predmeta nabavke u svakom pojedinačnom slučaju.“

Naime, spornom tačkom je propisano da će se izbor ponuđača vršiti na osnovu potreba Ugovornog organa, te da će se cijeliti specifičnost i kompleksnost predmeta nabavke u pojedinačnom slučaju.

ODGOVOR NA UPIT OD 03.02.2021. GODINE:

Poštovani,

U vezi sa Vašim Zahtjevom za izmjenom i dopunom, odnosno pojašnjenjem Poziva za dostavu ponuda za javnu nabavku – pravna odbrana Vlade Federacije Bosne i Hercegovine u slučaju radnopravnih sporova (Usluge iz Aneksa II dio B. Zakona o javnim nabavkama) od 02.02.2021. godine, koji ste dostavili aktom Veza br. 05-02-35-9-1/2021-1 od 03.02.2021. godine dajemo pojašnjenje kako slijedi:

Dana 02.02.2021. godine, Ugovorni organ raspisao je i objavio na web stranici Vlade Federacije Bosne i Hercegovine Poziv za dostavu ponuda za javnu nabavku usluga – pravna odbrana Vlade Federacije Bosne i Hercegovine u slučaju radnopravnih sporova (usluge iz Aneksa II dio B. Zakona o javnim nabavkama), broj: 05-02-35-9-1/2021-1 od 02.02.2021. godine.

S obzirom da pravne usluge spadaju u neprioritetne usluge iz Aneksa II dio B. Zakona o javnim nabavkama, na iste se primjenjuju odredbe Pravilnika o postupku dodjele ugovora o uslugama iz Aneksa II dio B. Zakona o javnim nabavkama („Službeni glasnik BiH“, broj: 66/16) u daljem tekstu: Pravilnik.

Pravilnikom je propisan način provođenja postupka od početka postupka do objave obavještenja o dodjeli ugovora.

U konkretnom slučaju ne radi se o standardnom modelu tenderske dokumentacije u skladu sa Zakonom o javnim nabavkama. Pravilnik ne prepoznaje termin tenderska dokumentacija nego koristi termin Poziv.

Članom 7. Pravilnika propisano je šta Poziv obavezno sadrži i Ugovorni organ je pripremio Poziv u skladu sa navedenim članom.

ZAKLJUČAK: S obzirom da se radi o uslugama iz Aneksa II dio B Zakona u konkretnom slučaju se primjenjuje Pravilnik te se termin tenderska dokumentacija ne koristi.

U vezi sa tačkom I Vašeg zahtjeva pojašnjavamo sljedeće:

- Ugovorni organ je propisao kvalifikacione kriterije za odabir ponuđača, oni su precizno propisani u tački 6. Poziva, a odnose se na: Ličnu sposobnost (član 45. stav (1) tačka a) Zakona) i Sposobnost obavljanja profesionalne djelatnosti (član 46. Zakona). Također se u skladu sa članom 52. Zakona traži od ponuđača da dostave potpisanu i ovjerenu Izjavu od strane nadležnog organa (Prilog 3 Poziva).

Navedeno je u skladu sa odredbama Pravilnika koji u članu 8. propisuje: „Ugovorni organ **može** zahtijevati dokaz iz člana 45. i 46. Zakona, ukoliko je primjereno predmetu i vrijednosti nabavke. Ugovorni organ **može** se odlučiti za dodatne uslove u pogledu ekonomsko-finansijske sposobnosti iz člana 47. Zakona, te tehničke i profesionalne sposobnosti iz čl. 48 i 50. Zakona, isti moraju biti u skladu sa članom 44. stav (3) Zakona, odnosno moraju biti minimalni srazmjerni i u vezi s predmetom nabavke, te je dužan propisati dokaze koji se traže u cilju utvrđivanja ispunjenosti uslova, a dokazi moraju biti u skladu s postavljenim uslovima.“

ZAKLJUČAK: Ugovorni organ, imajući u vidu predmet i vrijednost nabavke, je odlučio da zahtjeva dokaze iz člana 45. (stav (1) tačka a) Zakona) i člana 46. Zakona.

U vezi sa dodatnim uvjetima Ugovorni organ je imajući u vidu opće principe iz člana 3. Zakona vodio računa da se prema svim ponuđačima ponaša jednako i nediskriminirajuće na način da osigura pravičnu i aktivnu konkurenciju, a da pri tom nijednog ponuđača ne dovede u nepovoljniji položaj.

Naglašavamo odredbe Pravilnika kojima je propisano da ugovorni organ „može“ dakle ne mora zahtijevati kako osnovne tako i dodatne dokaze.

Ugovorni organ se odlučio za propisivanje minimalnih kriterija, uz poštivanje člana 3. Zakona, iako zakonodavac ovdje ostavlja na dispoziciju ugovornom organu da li da zahtjeva dokaze ili ne.

- U vezi sa konstatacijom iz Vašeg zahtjeva koja se odnosi na nejasnoću o kojoj vrsti sporova se radi pojašnjavamo da se radi o radnopravnim sporovima što je navedeno u samom nazivu Poziva

ZAKLJUČAK: Radi se o zastupanju u radnopravnim sporovima što je vidljivo iz naziva Poziva.

- Stavom (4) tačka d) člana 7. Pravilnika je propisano da poziv za dostavu ponuda sadrži kriterij za dodjelu ugovora ukoliko je primjereno.

ZAKLJUČAK: Ne postoji obaveza propisivanja kriterija za dodjelu ugovora s obzirom da se radi o neprioritetnim uslugama.

- Ugovorni organ u Pozivu je naveo da će izbor između kvalifikovanih ponuđača vršiti na osnovu svojih potreba za konkretnu uslugu, cijeneći specifičnost i kompleksnost samog predmeta nabavke u svakom pojedinačnom slučaju.

ZAKLJUČAK: Ugovorni organ će donijeti Odluku o izboru kvalifikovanih ponuđača na čijoj listi će se nalaziti svi ponuđači koji ispune kriterije iz Poziva. Izbor sa liste kvalifikovanih ponuđača će se vršiti sukcesivno, za svaki konkretni eventualni radnopravni spor koji u trenutku raspisivanja Poziva nije izvjestan.

U vezi sa tačkom II Vašeg zahtjeva pojašnjavamo sljedeće:

- Ponovo pojašnjavamo da se u konkretnom slučaju primjenjuju odredbe Pravilnika kojim nije propisana obaveza da Poziv sadrži obrazac za cijenu ponude.

ZAKLJUČAK:

- ugovorni organ nema obavezu propisivati Obrazac za cijenu ponude u konkretnom slučaju.
- riječ je o ponudama koje mogu dostaviti samo registrirani advokati, advokatske kancelarije i advokatska društva čije naknade i nagrade su propisane advokatskim tarifama,
- kako je riječ o budućim eventualnim radnopravnim sporovima Ugovorni organ u konkretnom slučaju nije u prilici precizirati ni vrijednost spora.

GENERALNI ZAKLJUČAK: Ugovorni organ je jasno propisao kvalifikacione kriterije koji su minimalni, i koji mogu zadovoljiti svi registrirani advokati, advokatske kancelarije i advokatska društva. Izbor se neće odnositi na jednog (najpovoljnijeg) ponuđača nego će odlukom biti utvrđena lista kvalificiranih ponuđača. Obrazac za cijenu ponude nije obavezan sadržaj poziva, što je i primjenjeno u konkretnom slučaju.

Ugovorni organ je pažljivo razmotrio sve navode iz Vašeg akta te na detaljan način odgovorio na Vaša pitanja i pojasnio sve nejasnoće.

U skladu sa navedenim, ne postoji potreba za izmjenom i dopunom Poziva.

Koristimo priliku podsjetiti Vas da je **krajnji rok za dostavu ponuda 17.02.2021. godine do 09.00 sati**, te da je **javno otvaranje ponuda** predviđeno istog dana **(17.02.2021. godine) u 09.30 sati**.

S poštovanjem,

KOMISIJA ZA JAVNE NABAVKE

A handwritten signature in blue ink, consisting of several stylized, overlapping strokes, positioned below the text 'KOMISIJA ZA JAVNE NABAVKE'.